



Universitätsbibliothek Paderborn

**Theologia Moralis Universa, Complectens Omnia Morum
Præcepta, Et Principia Decisionis Omnium Conscientiæ
Casuum, Suis Quæque Momentis Stabilita**

Ad usum Parochorum, & Confessariorum

Continens Tractatus De Virtutibus Moralibus, De Justitia Et Jure Et De
Contractibus

Antoine, Paul-Gabriel

Ingolstadii, MDCCXXXIII.

VD18 90392159

Cap. III. De iis qui contrahere possunt.

urn:nbn:de:hbz:466:1-40993

cidens, metu ne ab illis occidatur, vel spolie-
tur, alteri, qui injuriæ non est particeps, pro-
mittat pecuniæ summam, ut eum liberet, tene-
tur promissa complere. Quia tunc metus non
est propriè causa contractus, sed solum occa-
sio; nec contractus est metu extortus: sed
cum metus sit ob aliam causam injectus, adhi-
betur sponte contractus tanquam medium ad
illum pellendum. Qui tamen metum illum
injustè incutit, tenetur ad restitutionem da-
morum; nam est illorum prima causa, vel
saltem occasio injusta, ex c. ult. *de injur.* Idem
dic de metu à causa naturali, vel interna orto:
nam talis metus citra omnem injuriam pro-
venit, & à nullo alio quis ad contrahendum
compellitur nisi à se ipso.

CAPUT III.

De iis, qui contrahere possunt.

Q. I. **Q**uinam generatim valide possunt con-
trahere?

Resp. Si omnes, & soli usu rationis prædicti,
qui liberam habent bonorum administratio-
nem, seu legitimam facultatem disponendi de
illis. Quia cum contractus sit actus humanus,
qui solum humano modo, id est, cum adver-
tentia, & libertate fieri debet, requirit rationis
usum; & cum sit actus, quo de re aliqua di-
sponitur, requirit in contrahente liberam fa-
cultat-

cultatem disponendi. Posito autem libero rationis usu, & jure disponendi non ligato, nihil ultra potest requiri ad facultatem contrahendi.

Hinc non possunt validè contrahere infantes, amentes, ebrii, furiosi, prodigi curatorem habentes, &c.

Q. 2. An uxor potest contrahere?

Resp. Uxor non potest contrahere, nec disponere de bonis familiæ, & de dote, ejusque fructibus, marito præsente, & valente bona illa administrare rationabiliter invito. Quia quamvis totius dotis, & dimidiæ partis bonorum communium proprietas pertineat ad uxorem, tota tamen administratio bonorum familiæ, & dotis pertinet ad virum utpote caput familiæ, potest autem ipsa disponere de aliis bonis, quæ præter dotem attulit, & sibi reservavit, cum horum habeat, & proprietatem, & administrationem.

Dixi, *Marito præsente, &c.* Nam si sit absens, si amens, vel fatuus, tunc uxor bona familiæ dispensare potest. Si item maritus expressè, vel tacitè consentiat in impensas & contractus uxor; vel sit irrationabiliter invitus, ut si recusaret ea, quæ sunt necessaria ad suam, & familiæ sustentationem congruentem, potest uxor in his casibus uti bonis familiæ, sed prudenter, & moderatè.

Dd 2

Q. 3.

Q. 3. *An Filius familiæ, pupillus, & minor possunt contrahere?*

Not. 1. Infans est, qui nondum septennium complevit. A septennio usque ad decimum cum dimidio dicitur infantia proximus, si sit mas, vel usque ad nonum cum dimidio, si sit fœmina. Pubes est qui habet annum 14. completum si sit mas; vel duodecimum si sit fœmina. Ante hanc ætatem dicuntur impuberes. Pubertati proximus censetur masculus à decimo anno cum dimidio usque ad annum 14. completum, & fœmina à nono cum dimidio usque ad 12. completum.

Not. 2. Pupillus est impubes, qui desit esse sub potestate patris, propter ejus mortem, vel emancipationem. Minor est pubes, qui annum 25. nondum complevit, quo completo dicitur major.

Not. 3. Constat inter omnes 1. pupillum infantia proximum ne naturaliter quidem obligari ob defectum sufficientis judicii, vel saltem ob periculum talis defectus jura illius contractibus resistunt, omnemque obligationem tollunt, *Instit. de inutil. stipul.* 2. Minorem, qui curatore caret, obligari tum naturaliter, tum civiliter, ex contractu alienationis bonorum mobilium, quæ servando servari non possunt: quia minor curatore carens potest per se solum, quod posset cum consensu curatoris. Sed poterit petere restitutionem in-

inte-

integrum, si ex contractu fuerit lœsus, l. 3. Cod.
de in integ. restit.

Resp. I. Filius familiæ impubes non obliga-
tur civiliter ex contractu etiam de bonis ca-
strensis, & cum consensu patris facto, *Inst.*
de inutil. stipul. Si pubes sit, potest de bonis ca-
strensis, & quasi castrensis etiam sine
consensu patris contrahere, & obligari etiam
civiliter; nam horum liberam administra-
tionem habet. At non potest de adventitiis,
nec de profectitiis disponere sine consensu
patris; quia non habet illorum liberam ad-
ministrationem.

Resp. II. Pupillus pubertati proximus, &
minor obligantur tum civiliter, tum naturaliter,
si cum consensu tutoris, & curatoris con-
trahant de bonis mobilibus non pretiosis, ex l.
13. ff. *de auctor.* Et *consensu tutor.* secus de im-
mobilibus, & mobilibus pretiosis, quæ servan-
do servari possunt: nam hæc validè alienare
nequeunt sine decreto judicis, l. 4. Cod. *de*
prædiis minor. & l. 22. *Cod. de administ. tutor.*
quòd si sine consensu tutoris, vel curatoris
contrahant de bonis mobilibus non pretiosis,
juxta multos obligantur naturaliter, sed non
firmiter, quatenus hæc obligatio tolli potest
beneficio restitutionis in integrum: ita ut qui
aliquid ab illis accepit, non teneatur restituere
ante sententiam. Sed alii probabilius negant
eos obligari naturaliter, nisi quatenus facti
sunt ditiones: quod probant. *i.* Ex *Inst.*

Quibus alienare licet: ubi dicitur: neque pupillum, neque pupillam ullam rem sine tutoris auctoritate alienare posse... nec debitum solvere sine auctoritate tutoris posse; quia id quod solvunt, non fit accipientis: cum scilicet nullius rei alienatio eis sine tutoris auctoritate concessa sit. & ex l. 11. ff. de acquir. rer. dom. ibi: Pupillum quantum ad acquirendum non indiget tutoris auctoritate: alienare vero nullam rem potest nisi praesente tute auctore. Quoties autem contractus a legibus simpliciter irritantur sine expressa limitatione ad forum externum, intelligi debent irritari etiam in foro conscientia, ideoque nullam parere obligationem. 2. Quia ad validè contrahendum etiam in foro conscientiae requiritur libera bonorum administratio, qua carent pupilli, & minores. Jam vero leges illas, quæ dicunt pupillum, sine auctoritate tutoris obligari, intelligi debent de pupillo, qui factus est ditior ex contractu.

Resp. III. Ex communi, pupillus pubertati proximus sine auctoritate tutoris validè contrahit cum majore in suum commodum, non autem in suum incommodum, ex *Instit. de auct. tutor.* quod jura statuerunt in favorem ætatis illius, ut scilicet minoribus ætas in damnis subveniret, & in prosperè gestis non obesse. Hinc si pupillus sine auctoritate tutoris aliquid emerit, non potest venditor pupillum compellere ad dandum pretium: si tamen velit pupillus stare contra cui, cogere potest vendi-

venditorem actione civili ad tradendam mercem pro pretio constituto. Sed si venditor pupillo mercem tradidit non accepto pretio, potest reperere mercem suam, & pupillus tenetur in conscientia eam restituere, nam nemo licet locupletari potest cum alterius injurya, vel jactura, ex reg. Jur. 48. in 6. quod si dolo vel culpâ pupilli restradita perierit, eam solvere cogitur, l. 1. ff. depos.

Quæ autem dicta sunt de pupillo, eadem dicta intelligantur de minore contrahente sine consensu curatoris sui: nam curator non minus datur rebus minorum administrandis, quam tutor rebus pupillorum: unde minor habens curatorem pupillo quoad bona, & contractus æquiparatur.

Q. 4. *An Pupillus, vel minor tenetur solvere pecuniam, quam sine consensu tutoris, vel curatoris mutuam accepit?*

Resp. Tenetur, si eam in usus necessarios, vel utiles impenderit, ex L. 1. ff. de auctor. Et consensu tutori ibi: naturaliter obligabitur, in quantum locupletior factus est. Ex pecunia autem in tales usus consumpta factus est ditior, nam tantumdem suis rebus pepercit. Et verò ini-
quum est, quemquam locupletari cum damno alterius maxime bona sive mutuantis. At non tenetur si eam in usus inutiles consumpsit: quia leges nolunt cum ulla modo obligari,

ne ejus bona inutiliter consumantur, ex I. cit.
& I. 59. ff. de oblig. &c. ibi: *Pupillus mutuam pecuniam accipiendo, nequidem jure naturali obligatur.* Excipe nisi mutuans bona fide putaverit pupillum eam pecuniam impendere velle in suam utilitatem; nam tunc naturalis aquitas solutionem exigit: nec lex intendit privare debito alterum bona fide procedentem, & gratificari volentem.

PARS II.

De Contractibus in specie.

CAPUT PRIMUM.

De Promissione.

Q. I. *Quid est promissio?*

Resp. *Q* Est actus voluntatis exterius expressus, (nam de promissione facta homini hic agitur) quo quis se obligat alteri ad aliquid: sive est deliberata fidei obligatio facta alteri de re aliqua licita, & possibili. Duplex est, nempe onerosa, qua onus alteri vicissim imponitur, unde pertinet ad alios contractus; & gratuita, qua nullum onus alteri imponitur. Si promissio fiat certâ verborum formulâ, qua unus rogat, & alter promittit, dicitur stipulatio: